

van den Greden, Johanni Schuman, necnon Martino Rottowe magistro pistorum et . . magistro sutorum carnificum et sardonum et Johanni notario consulum praedictorum, Petro Grymmere et Nicholao Oszener ceterisque omnibus et singulis opidanis in Lipetzg utriusque sexus quocunque nomine censeantur salutem in domino et mandatis nostris firmiter obedire. Vobis et cuilibet vestrum qui requisiti fueritis in virtute sanctae obedientiae et sub poena excommunicationis, quam in vos et quemlibet vestrum trium dierum monitione praemissa auctoritate ordinaria ferimus in his scriptis si praesens nostrum mandatum contempseritis adimplere, mandamus, quatenus domino Vlrico de Malticz quondam praeposito nunc deposito ecclesiae sancti Thomae in Lipetzg non participetis aliquo genere communionis loquendo comedendo bibendo emendo vendendo aut mutuando publice vel occulte, alioquin contrarium facientes tam in Mersburgh quam in tota nostra diocesi excommunicatos per ecclesias faciemus singulis diebus dominicis publice nuntiari, priori nostro mandato in suo robore duraturo. Super praesentatione et intimatione huius mandati vobis facienda iuramento stabimus nuntii intimantis. Datum Merseburg anno domini M^o.CCC^o.LXVIII^o in vigilia assumptionis beatae Mariae virginis nostro sub sigillo praesentibus tergo-tenus affixo.

Nach dem Orig. auf Papier im K. Haupt-Staatsarchiv zu Dresden. Das auf der Rückseite aufgedrückt gewesene Siegel ist abgebröckelt.

No. 121. 1368. 26. Aug.

B. Friedrich von Merseburg befiehlt den Pfarrgeistlichen seines Sprengels, die Excommunication derjenigen, welche die Gemeinschaft mit dem ehemaligen Probst Ulrich nicht aufgeben, in ihren Kirchen zu verkündigen.

Fredericus dei et apostolicae sedis gratia episcopus ecclesiae Mersburgensis universis et singulis archipresbyteris presbyteris plebanis et viceplebanis per nostram diocesim constitutis ad quos praesens nostrum mandatum pervenerit salutem in domino et mandatis nostris firmiter obedire. Vobis et cuilibet vestrum qui requisiti fueritis sub bono obedientiae et sub poena excommunicationis, quam in vos et quemlibet vestrum trium dierum monitione praemissa auctoritate ordinaria ferimus in his scriptis si praesens nostrum mandatum contumaciter neglexeritis aut contempseritis adimplere, committimus et mandamus, quatenus omnes et singulos parrochiales vestros utriusque sexus in genere aut quos noveritis in specie prout vobis subsunt Mersburg Liptzg in villis aut castellis in tota nostra diocesi communicantes domino Vlrico de Malticz quondam praeposito nunc deposito ecclesiae sancti Thomae quocunque genere communionis loquendo comedendo bibendo emendo vendendo stando sedendo aut mutuando publice vel occulte excommunicatos incensis candelis et pulsatis campanis singulis diebus dominicis in ambonibus vestrarum parrochiarum sermone facto ad populum publice nuntietis, facientes hoc quousque vobis aliud dederimus in mandatis. Reddite litteram vestris sigillis sigillatam in signum executionis mandati per vos